

BERDAD NUNCA
A PERJUDICA
NINGUN HENDE
NINGUN CAUSA
NI NINGUN
NACION.....



DIARÍ

E MATUTINO DI ARUBA

DIABIERN 10 FEBRUARI 1989 ABONADO PA LUNA 15.00 FLS* PA EJEMPLAR 0,60* AÑA 8/No. 3000

Arma cu
zapato den
man

MUHER KIER
A MALTRATA
AGENTE
POLICIAL

HOPI COMPANIA DI CONSTRUCCION NO TA CUMPLI CU REGLANAN DI SEGURIDAD

DESCONOCINAN
A DESTRUI
PROPIEDAD Y
KIMA CASITA

El a aborda
un barco
na Aruba
POLIZONTE
DESCUBRI
NA MIAMI

PARTICIPACION

CULTURAL ARUBA
N.V.

ta participa cu e persona

FRANCY FLOREZ

no ta den su servicio y
no ta autoriza pa haci
ningun transaccion na
number di
CULTURAL ARUBA
N.V.

STATEN A APROBA E MINISTRONAN NOBO

Eddy Werleman P.P.N. no a vota



Ayera tardi sr. Nelson Oduber a huramenta como Promer Ministro pa e proximo periodo di gobernacion dilanti Su Excelencia Gobernador Tromp den presencia di Ministronan di e gobierno nobo y invitadonan presente. Tambe e mesun momento tabata tin huramentacion di e Ministronan Nicolaas, Kelly, Leo, Croes, Refuñol y Trinidad.

EDITORIAL

Un Gobierno nobo

Awor cu e Parlamentarionan a huramenta y gobierno nobo a tuma over di Gabinete Eman, Aruba por conta cu mandatarionan nobo en relacion cu esun cu a baha, pero cu ta caranan conoci. Nel Oduber a sinta como Diputado pa casi 10 aña y Daniel Leo a ocupa e cartera di Turismo den pasado. E otro caranan nobo no ta tanto nobo tampoco, ya cu Guillermo Trinidad y Freddy Refunjol ta dos Parlamentario activo pa hopi aña caba (Guillermo Trinidad a yega di sinta como Diputado pa PPA); Mr. Hendrik Croes tabata Ministro di Enseñanza y di Justicia; Pedro Kelly a sinta como Diputado y como Ministro. Ta keda uno cu por yama nobo como Diputado o Ministro, Elio Nicolaas.

Awor e momento a yega pa dera e hacha politico y cuminsa concentra ariba loke ta cumbini Aruba. E lucha electoral a pasa y ta toca e mandatarionan goberna cu e mihor juicio posible.

Esnan cu ta kere cu e factor economico por ser poni un banda pa concentra solamente ariba e factor estatal lo haci bon di lanta for di soño di biaha. Nos tur ta testigo di loke a pasa den e añanan cu a sigui e ceramento di Lago y ningun di nos kier bolbe pasa aden. Traha ariba estructura estatal so ta igual na corteja desastre. No por pone crecimiento economico un banda pa prepara pa independencia total na 1996 pasobra esey lo significa bira independiente cu saco bashi.

No por descuida e factor estatal, esey ta un hecho. Pero no por dedica tur atencion na e so tampoco. Si ta berdad cu nos ta bay bira totalmente independiente na 1996, anto ban purba logre cu e mayor solidez economico posible. Y ban hacie cu un claridad absoluto, poniendo un banda conceptonan y terminonan confuso manera "man-comunidad", "estado libre asocia", "commonwealth", y usando e palabra real cu ta cuadra cu nos caso específico: "independencia".

E por ta un independencia cu acuerdonan bilateral cu Hulanda of otro pais den vecindario, of e por ta un independencia total. Ta toca e politiconan actualmente na mando fihá e destino di Aruba cu claridad y informa pueblo exactamente loke ta spere na 1996.

Nos ta asumi for di awor un actitud di espera. No manera caiman drumi na boca di rio, pa guli e desprevenidonan, sino adoptando un actitud di hende sensato cu kier lo mehor pa Aruba, sin importa nos ta cual partido ta na mando. Nos nunca a kere cu un medio di comunicacion MESTER ta un organo di oposicion. E mester ta un vehiculo di vigilancia, pa detecta peligro ora cu esaki presenta, pero no un martio pa bati gobierno djis pa smak. E tarea di goberna no ta uno facil, y nos tin comprension pa e dificultad ey. Pesey mes nos lo ta dispuesto di aplaudi y di critica, dependiendo di e circunstancianan. Esey ta nos tarea.

DIARIO ta desea tur e integrantes di e Consejo di Ministro nobo, y e Parlamentarionan cu a caba di huramenta, hopi exito den nan laboran, y caba di huramenta, hopi exito den nan laboran, y ta confia cu e bienestar di Aruba y di Pueblo Arubano en general lo ser sirbi cu madurez y ecuanimidad.

Cu 12 voto na fabor y 8 contra

Staten a aproba e Ministronan nobo

Eddy Werleman P.P.N. no a vota



ORANJESTAD (AAN) - Aruba tin su gobierno nobo pa un periodo di 4 aña segun e acuerdo di gobernacion di e coalicion MEP/ADN/PPA.

Despues cu Staten a aproba e credencialnan di e miembronan Diamars ultimo y cu den oranan di atardi e miembronan a huramenta na cas Gobernador Tromp. Ayera Staten a duna aprobacion na e candidatonan pa ministro. Algo despues di 5or e ministronan a huramenta dilanti na cas di Gobernador.

Den careda di 2,30 e reunion di Staten a inicia. Presente na e ocasion aki representantenan di Gobierno di Antiyas ken- denan tabata den tribune di in-

vitado y honor.

Miembronan cu ta sostiene e gobierno nobo a trece den nan discurso cu nan ta di pro e candidatonan pa ministro.

Miembronan di parlamento pa e partido AVP a trece den nan discurso cu nan no tin confianza den e candidatonan pa ministro y como tal nan e voto di aprobacion.

Eddy Werleman P.P.N. a desea e ministronan hopi forza y exito den nan tarea di gobernacion.

Ministronan di e gobierno anterior a ser baha sin votacion, esta parlamento a aproba nan retiro.

Votacion pa aproba e ministronan nobo "Gabinete

Oduber" a bay di e siguiente forma. Coalicion a vota 12 vota na pro y 8 voto contra cu ta di AVP. Eddy Werleman PPN no tabata den Staten ora di votacion. Ministronan nobo a ser acepta cu 12 voto na fabor y 8 contra.

Ayera tardi despues cu e ministronan cu lo tuma e tarea aki na Aruba a huramenta, tabata tin un e prome reunion di Gabinete Oduber na cas di Gobernador. E reunion tabata pa trata e credencialnan di Roland Lacle pa ocupa e puesto di Ministro Plenipotenciario na Hulanda. Despues cu e credencialnan a ser trata, Roland Lacle a huramenta como ministro.

Ir. Richard Eman:

Fin na un episodio di Parlamento antidemocratico

ORANJESTAD(AAN)- Den e reunion di Staten teni Diaranzon ultimo a dirigi palabra Ir. Richard Eman, como miembro nobo di Parlamento. Den si discurso el a bisa cu e ta contento cu e por a habri un sesion nobo di parlamento. Cu esey a pone un fin na un episodio di Parlamento anti-democratico. E gobernacion cu a yega na su fin, a worde sostiene durante e ultimo 18 luna pa un minoria. Un minoria cu tabata tin 28% di e sosten di e pueblo.

Ir. Eman a sigui bisa cu e kier

a gradici e 8 miembronan di MEP cu durante 3 aña a bataya fuerte den Parlamento. Semper M.E.P. a sa di pone nan dede ariba e yaganan monstrando pueblo unda e gobierno tabata haci cosnan cu no tabata tolerable. Di otro tambe na mes un tanto ocasion contribuyendo na solucionnan constructivo pa e pueblo.

Pueblo a sa di reconoce e laborman di M.E.P. y a expresa esaki claramente den e ultimo eleccion. Pues un biaha mas el a gradici sr. Oduber pa e trabaoan valioso.

Den su discurso ir. Eman a bisa cu e ministernan nobo cu lo ser eligi lo haya sosten completo di Parlamento y siguramente M.E.P. lo sostiene nan den nan gobernacion.

Durante un periodo di mas o menos 10 dia e partidonan di M.E.P., A.D.N. y P.P.A. a traha duro y a compila un acuerdo di gobernacion di Sabana Blanco. Un acuerdo cu lo ta e guia pa e gobernacion di proximo cuatro aña. E fundeshi di e acuerdo aki ta solido y ta basa ariba e

Sigui lesa pag. 16